

Inuussutissarsiornermi aningaasaqarneq C - 2022

1. Ilinniartitsissutip inissisimanera

Inuussutissarsiornermi aningaasaqarneq inuiaqatigiilerineri ilinniartitsissutaavoq, tassani ilaallutik suliffeqarfik avatangiisilu, periusissiorneq, tuniniaaneq, aningaasaqarneq aaqqissuusaanerlu pillugit ilisimasat piginnaasallu. Ilinniartitsissummi suliffeqarfimmi nunat tamat akornanni niuerfinnillu sammisaqarfiusuni inuiatigiinni pilersitsinissamut ineriartortitsinissamullu piunasaqaatit periarfissallu pillugit ilisimasaqartitsisoqalersarpoq. Ilinniartitsissummi ataatsimut isiginnilluni sulisoqartarpoq, tassani inuit ataasiakkaat, suliffeqarfiit inuiaqatigiillu, tassunga ilanngullugu avatangiisit, imminut ataqatigiittutut isigineqartarlutik.

2. Ilinniartitsissummi siunertat

Ilisimasat piginnaasallu

Inuussutissarsiornermi aningaasaqarnermik ilinniartitsinikkut ilinniartut suliffeqarfimmik pilersitsineq ineriartortitsinerlu, taassuma naleqalersitsisarnera taassumalu tuniniaanermi, aaqqissuusaanikkut aningaasaqarnikkullu iliuseqarnissamut periarfissai pillugit isummersorlutik isummersinnaassusiat ineriartortinneqassaaq. Ilinniartut aamma ilinniartitsinikkut suliffeqarfimmi unalligassanik aaqqiissutissanik nutaaliortutik sulisinnaassusiat siuarsarneqassaaq. Ilinniartut tamassuma saniatigut ilinniartitsissummi atuagarsornikkut inuussutissarsiornermi aningaasaqarnermi tunngaviusumik ajornartorsiutaannik nammineq avatangiisini nunallu tamat akornanni pissutsit tunngavigalugit sulisinnaanerit ineriartortinneqassaaq.

Iikkagaqartarnermi sulinermilu piginnaasat

Ilinniartut nammineq avatangiisini nunallu tamat akornanni pissutsit tunngavigalugit ilinniartitsissummi atuagarsornikkut inuussutissarsiornermi aningaasaqarnermi tunngaviusumik ajornartorsiutaannik suliaqartarneq ineriartortissavaat. Ilinniartut aamma suliffeqarfiup aningaasaqarnermik ingerlatsiviani suliassat sularineqarnissaat siunertarlugu suliffeqarfiit aningaasaqarnerannik piginnaasaqalissapput.

Inuttut inuillu akornanni attaveqatigiittarnermi piginnaasat

Ilinniartut suliffeqarfiit aningaasaqarneranni ajortorsiutinik namminneq ataasimoorlutillu suliaqarsinnaassapput. Ilinniartut aamma nammineq sunniuteqarsinnaanerup, suleqatitut suleqatigiinni sulisinnaanerup aamma sulisorisani, qullissanik, pisisartunik pilersuisunillu suleqateqarsinnaanerup suliffeqarfiit iluatitsinissaannut pisariaqartuunerannik paasinninneq tunngavigalugu sulisinnaassapput.

Kulturikkut inuiaqatigiillu akornanni piginnaasat

Ilinniartut nunarsuarmi inuiaqatigiinnilu aningaasaqarnermi isumaliuteqarnissamik pisariaqartitsinerannik, suliffeqarfiup iluatsitsinissaanut aningaasaqarnermik aalajangiisinnaassuseqarnerup pisariaqarneranik ilisimasaqarneq tunngavigalugu sulisinnaassapput. Ilinniartut aamma suliffeqarfiit Kalaallit Nunaanni pingaartumillu nunani allani niuerfinni tuniniaanerisa naleqalersitsinermut qanoq pingaaruteqartigineramik kiisalu suliffeqarfiup naatsorsuuserinermik aningaasanillu aqutsinera tamassumani apeqqutaaneramik paasinninneq tunngavigalugu sulisinnaassapput.

3. Iikkagassatut anguniakkat imarisaalu

3.1 Iikkagassatut anguniakkat

Ilinniartut uku piginnaalissavaat:

- a) ilinniartitsissutip suunera periutsillu pillugit ilisimasaqarneq piginnaasaqarnerlu takutillugit
- b) suliffeqarfiup avatangiisiniittunik sunneeqateqartarnera nassuiarlugu,
- c) suliffeqarfimmik pilersitsinermut atatillugu ajornartorsiutit nassuiarlugit,
- d) suliffeqarfimmi tuninianaermi pissutit suliffeqarfiup anguniassaanik aalajangiinissaanik periusissiamillu toqqaanissaanik oqallinnissamut nalilersuimullu atornissaat pillugu ilimasat atorlugit,
- e) inuussutissarsiornermi aningaasaqarnermi ajornartorsiutit suliamik ingerlatsinermi ilinniartitsissutillu allat sunneeqatigiittarnerannut atorlugit,
- f) suliffeqarfimmi pissutsit nassuiarsinnaajumallugit nalilersorsinnaajumallugillu suliffeqarfimmi aaqqissuussaannermi aqutsinermilu pillugit ilisimasat piginnaasallu atorlugit,
- g) ukiumoortumik nalunaarussiaq aningaasaqarnermilu kisitsisit pingaarnerit aallaavigalugit suliffeqarfiup aningaasaqarnermi inissisimanagera misissoqqissaarlugu nalilersorlugulu,
- h) suliffeqarfiup periusissiornermi periarfissaata oqallisiginissaanut nalilersornissaanullu aningaasaqarnermik aalajangiinermik suliaqarneq atuinerlu,
- i) suliamik ingerlatsinermi oqallisaaqataaneq inuussutissarsiornermilu aningaasaqarnermi ajornartorsiutit oqallisiginnaallugit aamma
- j) inuussutissarsiornermi aningaasaqarnermi ajortorsiutinik suliaqarnissamut it-mi sakkut atortullu naleqquttut atorlugit.

3.2 Ilinniartitsissutip imarisa pingaarnerit

Ilinniartitsissutip imarisai pingaarnerit tassaapput:

- a) Suliffeqarfik avatangiisiilu: Suliffeqarfiup aaqqissugaanera, nassiussuineq, niueriaatsit, sulisut, qanittumi ungasissumilu avatangiisit.
- b) Periusissiaq: logistikki, Boston Matricen, Porter værdikæde (suliffeqarfiup ingerlatai pingaarnerit. ingerlatallu tapersiissutit), Ansoffip ineriartornissamut periusissiaa, periussiorluni pilersaaruserneq.
- c) Tuniniaaneq: akinik naleqqunnerpaajutitsineq, akit iluanaarutaanatillu ajunaarutaassanngippata annertussusaannik naatsorsuineq (pilersaatut), nioqqutissanik atuneq, akiitsut, nioqqutissat ABC-t.
- d) Aningaasaqarneq: tunngaviumik naatsorsuutitut nalunaarsuineq, ukiumoortumik nalunaarutit aamma naatsorsuutinik nalilersuineq.
- e) Aaqqissuussaannermi aqutsineq: aaqqissuussaannermik pilersaarut, aaqqissuussaannermi periutsit, suliffeqarfimmi ingerlanneqartut, suliassanik agguaneq, aqutsineq.

Ilinniartitsissutip imarisai pingaarnerit nammineq toqqagassat:

- f) Suliffeqarfik ajutoorfioriaannarmiittoq
- g) Suliffeqarfik peqataatitsisoq

h) Suliffeqarfik iluatsitsilluartoq

3.3 Illassutitut ilinniakkat

Ilinniartut taamaallaat pingaarnertut ilinniakkat atorlugit ilikkagassatigut anguniakkat angusinnaassanngilaat. Illassutitut ilinniakkat tassaapput inuussutissarsiornermi aningaasaqarnermi ilinniagassat, suliffeqarfimmik pilersitsinermi ineriartortitsinermiluunniit ilinniartitsissummi anguniakkanut atassusiisut itisiliisullu. Ilinniartitsissutip imarisai pingaarnerit illassutitut ilinniakkani Kalaallit Nunaanni nunanilu tamani pissutsinut sapinngissamik annertunerpaamik atassuserneqassapput. Illassutitut ilinniakkat ilinniartitsissummik tamarmiusumik ilinniartitsinermi 15 pct. missaannik annertussuseqassapput

4. Ilinniartitsinerup aaqqissuunneqarnera

Inuussutissarsiornermi aningaasaqarnermi maannakkut ajornartorsiutit piviusullu suliarineqarput, tassa suliffeqarfiit aalajangersimasut ataasimut isiginninneq aallaavigalugu misissorneqassammata. Inuussutissarsiornermi aningaasaqarnermi atuagarsorneq aaqqissuussamik ingerlatsisoqartilerniarlug suliffeqarfiullu ajornartorsiutaanik paasinnitsitsilerniarluni ilanngunneqassaaq.

4.1 Ilikkagaqartarnermi tunngaviit

misissuisitsilluni ilinniartitseriaaseq ilinniartitsinermik pilersaarusiornermi qitiusumik inissisimavoq. Misissuisitsilluni ilinniartitsinermi iliniartut nammineerlutik peqatigiillutillu aaqqissuussinnaassuseqarnerat suliamillu ingerlasinermi isumaliutersuutininik oqaasertaliisinnaassuseqarnerat siuarsarneqassaaq.

- a) Ilinniartitsinermi ilinniartut ilinniartitsissummi qaffasissusiat ilisimasaallu aallaavigneqassapput.
- b) Ilinniartitsineq imatut aaqqissuunneqassaaq ilinniartitsisoq aqutsisoralugu ilinniartut oqallinnerattut sapinngisamik annertunerpaamik ingerlanneqassaaq.
- c) Ilinniartitsineq imatut aaqqissuunneqassaaq ilinniartitseriaatsit assigiinngitsut paarlakaanneqarlutik.
- d) Ilinniartitsineq imatut aaqqissuunneqassaaq ilinniartut soqutigisaat pisariaqartitaallu malinneqassallutik. Ilinniartut taamaaliornikkut ilinniartitsissut pissanganartutut, naleqquttutut atorneqarsinnasutullu misigissavaat.
- e) Ilinniartitsineq imatut aaqqissuunneqassaaq ilinniarnrup ingerlanneqarnerani sammisanilu ilinniartitsissummi siuariartoqartarluni, aammalu ilinniartitsissummi oqaatsititigut taaguutitigullu ineriartornermi siuariartortoqassalluni, taamaaliornikkut ilinniartut nammineerlutik suleriaaseqalernissamik ajornakusoortunillu eqqarsartarnissamik sungiussiartussallutik.
- f) Ilinniartitsineq imatut aaqqissuunneqassaaq, inuiaqatigiinnut avatangiiserineqartunut sapinngisamik annertunerpaamik atassuteqartitsisoqassalluni.
- g) Ilinniartitsineq imatut aaqqissuunneqassaaq, ilinniartut ingerlatsinerat ilinniartitsinermik atatitsissalluni.

4.2 Suleriaatsit

Ilinniartitsinermi ilinniartitsissutip imarisaani pingaarnerni nammineq toqqagassat pingasut aallaavigalugit ataatsimoorluni suliniuteqarnerit ilaapput (taamaaliortoqarsinnaanngippat taamaaliunnginnissaq akuersissutigineqarsinnaavoq). Ilinniarneq piviusut annertuumik tunngavigalugit aaqqissuunneqassaaq, ilinniartut taamaalillutik suliamik ingerlatsinermi oqallissinnaassuseqarnerat ajornartorsiutinillu piviusunik nalilersuisinnaassusiat ineriartortinneqassalluni.

Ilinniartitsineq assigiinngiiaartunngorlugu aaqqissuunneqassaaq, taamaalilluni ilinniartut assigiinngitsut, ilikkagaqariaatsit pisariaqartitallu assigiinngitsut mianerineqassallutik. Ilinniartut ilinniartitsinermi siullertut oqaasillit aappaattullu oqaasillit sianigineqassapput.

4.3 It

It tusagassiuutillu ilinniartitsissummik ilinniartitsinermi sakkutut ilinniartullu ilinniartitsissummi ilikkagaqartarneranni tapersiutitut atorneqassapput. Ilinniartut ilinniartitsinikkut digitalimi periarfissanik amerlasuunik atuisinnaassusiat ineriartortinneqassaaq, tassunga ilanngullugit digitalinngorlugu ataatsimooqatigiiffinnik allanik suleqateqarneq ilanngunneqassaaq. Ilinniartitsineq ilinniartut isumaliuteqarlutik paasissutissanik toqqaasinnaassiiisa, misissueqqissaasinnaassusiiisa nalilersuisinnaassusiiisalu ineriartortinneqarnerannut tapersiissaaq. Ilinniartitsineq naggasiullugu ilinniartut internetimi teknologimik attaveqaqatigeriaatsinillu isummersortarnerisa ineriartortinneqarneranut tapersiissaaq.

4.4 Ilinniartitsissummi oqaatsit

Ilinniartitsineq imatut aaqqissuunneqassaaq, ilinniartut ilinniarititsussummi oqaatsinik atuinerat paasinnitarnerallu ilinniartitsissummilu taaguutininik atuisinnaanerit aaqqissuusamik ineriartortinneqarluni. Ilinniartitsineq imatut aaqqissuunneqassaaq, ilinniartut ilinniartitsissummi taaguutininik paasinnilluarsinnaaleriartortillugit atuisinnaaleriartortillugillu.

4.5 Ilinniartitsissutinut allanut atassuteqartitsineq

Ilinniartitsineq imatut aaqqissuunneqassaaq, piffissap ilaani ilinniartitsissutit akimorlugit sulisoqartassalluni ilinniartitsissutinilu allani ilisimasanut sanilliussisarluni. Ilinniartitsissutip imarisaannik pingaarnernik ilinniartitsissutinilu atorneqarnerani pissutsinik itsileeqqinnissaq atassuteqartitsinissarlu siunertaralugit ilinniartitsissutini allani ataatsimik amerlanernilluunniit suleqateqarluni ilinniartitsissutit akimorlugit suliniut ikinnerpaamik ataaseq suliarineqassaaq.

5. Nalilersuineq

5.1 Ingerlaavartumik nalilersuisarneq

ilinniartitsissummi ilikkagassatut anguniakkat ilusilerluillunilu nalilersuineq tunngavigalugit ingerlaavartumik nalilersuisoqartassaaq. Ataasiakkaanut suliamillu ingerlatsinermi ilitersuisoqartassaaq, tassani ilinniartut ilinniartitsissummi killiffimmik qaffasissuanik erseqqarissumik paasitinneqartassallutik. Aamma ilinniartut ilinniartitsissummi ineriartortit pillugu imminnut isummersortitsisunik ingerlataqartartassasoq kissaatiginarpoq.

Allattariarsorluni oqaluttarissanillu ingerlatsinerit pillugit kalerriuteqarnerit tunngalersuinermi, aaqqiissuusinermi, oqaatiginnissinnaassuseqarnermi suliamillu

ingerlatsinermi eqqortuliorn ermi pitsanngorsaatisanik erseqqarissunik ilitersuuteqarluni siumut ilitersuisoqartassaaq. Minnerpaamik semesterini tamani ilinniartut ilinniartitsinermi sulinerannik, peqataavinnerannik pimoorussinerannillu nalilersuisoqartassaaq. Tassunga atillugu ilinniartitsineq pillugu ataatsimut nalilersuisoqartassaaq.

5.2 Misilitseriaatsit

Misilitseriaatsinit marlunnit ukuninnga ataaseq holdinut ataasiakkaanut ilinniarfik toqqaasassaaq.

Misilitseriaaseq a

Misilitsinnermi tunngaviuvoq apeqqutit ilanngussallu ilanngullugit oqaluttuaaraliaq. Oqaluttuaaraliaq Kalaallit Nunaanni suliffeqarfik, pisortat sulisoqarfiat imaluunniit NGO aallaavigalugit ilinniarfimmit suliarineqassaaq.

Oqaluttuaaraliaq suliffeqarfimmik kiisalu ilanngussanik arlalinnik inuussutissarsiornermi aningaasaqarnermut tunngasunik allaaserinninnermik imaqassaaq. Tassunga ilanngunneqassapput sammisani ilinniartitsissummi suliarineqartuni oqaluttuaaraliamut apeqqutit arfinillit – arfineq marluk. Ilinniartut naatsumik allaaserinninnerminni apeqqutinik tamanik suliarinnissapput.

Ilinniartut soraarummiinnginnerminni ullumi ataatsimi tamarmi oqaluttuaaqqamik suliarinnissapput. Misilitsinnermi atorlut nal. 8:00 tunniunneqassapput, tassani oqaluttuaaraliaq soraarummeertitsisumit naatsumik saqqummiunneqassalluni. Naatsumik allaaserisaq ulloq taanna nal. 16:00 tunniunneqassaaq. Ilinniartut peqatigiillutik ataasiakkaarlutilluunniit sulisinnaapput. Ataatsimut suliaqarnermi ataatsimut suliaqartut ataatsimut naatsumik allaaserinninnerat tunniunneqassaaq. Ilinniartut naatsumik allaaserinninneri tunniussinerup kinguninngua censorimut nassiunneqassapput. Naatsumik allaaserinninnermi apeqqutit suut ilinniartut ataasiakkaat saqqummiussassatut kissaatigisaat ersissaaq. Ilinniartut oqaluttuaaqqami apeqqutinik tamanik paasiniaassapput. Naatsumik allaaserisamik tunniussinissaq ilinniartup soraammeernissaanut piumasaqaataavoq.

Oqaluttariarsorluni misilitsinnermi soraarummeertitsinermi naatsumik allaaserinninneq suliarineqarnikoq aallaaviussaaq. Ilinniartup oqaluttuaaqqami apeqqut nammineq toqqakkani siulliullugu saqqummiutissavaa, tamassumalu kingorna oqaluttuaaqqami apeqqummik ataatsimik marlunnilluunniit censorip toqqagaanik soraarummeertitsisoqassaaq. Suut apeqqutigineqassanersut ilinniartup siumut ilisimassanngilai, oqaluttuaaqqamilu apeqqutit tamarmiusut pillugit piareersimassalluni. Piareersarnissamut piffissaliisoqassanngilaq, piffissarlu soraarummeerfiusoq sorummeertumut ataatsimut nalilersuineq ilanngullugu minutsit 24-t missaaniissapput.

Ataatsimut suliniuteqarnermi ilinniartut ataasiakkaarlugit soraarummeertinneqassapput. Ataatsimut suliniuteqarnermi qanoq iliornissamut piareersimasoqassaaq, taamaalilluni ilinniartut soraarummeernikut ataatsimut sulaqatiginikuusanut suli soraarummeernikuunngitsunut attaveqarsinnaassanani.

Misilitseriaaseq b

Oqaluttariarsorluni misilitsinnermut tunngaviusoq tassaavoq suliassaq sammisamit

ilisimaneqartumeersoq ilisimaneqanngitsumik ilanngussamik ilalik, ikinnerpaamik marlunnik-pingasunik nalinginnaasumik quppernilik (toorsinerit 2400 akunneri ilanngullugit. Suliassat agguarlugit qaffasissutsit malillugit sammisaqarluni ataani apeqqutinik imaqaassapput. Suliassani sammisat tassaapput ilinniartsinermi atorneqartut taamaalillunilu soraarummeertunit ilisimaneqartut. 48 minutsit missaanni piareersarnissamut piffissaliisoqassaaq, piffissarlu soraarummeerfusoq soraarummeertumut ataatsimut minutsit 24-t missaaniissapput.

Soraarummeertitsineq soraarummertup soraarummeertitsisullu akornanni suliaq pillugu oqaloqatigiinnertut ingerlanneqassaaq.

5.3 Naliliinermi tunngaviit

Naliliineq tassaavoq soraarummeertup oqaluttarissamik misilitsinnermi ingerlatsinerani ilikkagassatut anguniakkanik immikkoortoq 3.1-imi allaqqasunik qanoq annertutigisumik eqqortitsinera.